



UNIVERSITÄTS-
BIBLIOTHEK
PADERBORN

Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

Reconciliatio excommunicati. viii.

urn:nbn:de:hbz:466:1-10722

res, de prædatores, & homicidas. N. in nomine patris, & filij, & virtute spiritus sancti, nec non autoritate episcopi per Petrum principem apostolorum diuinitus collata, à sanctæ matris Ecclesiæ gremio segregamus, ac perpetuæ maledictionis anthemate condemnamus. Sintque, maledicti in ciuitate, maledicti in agro, maledictum horreum eorum, & maledictæ reliquæ illorum, maledictus fructus vètris eorum, & fructus terræ illorum. Maledicti sint ingredienti, & maledicti sint egredientes. Sintque, in domo maledicti in agro profugi, veniantque, super eos omnes illæ maledictiones quas dominus per Moysen in populum diuinæ legis præuaricatorem se esse missurum intentauit, sintque, anathema maranatha. i. pereant in secundo aduentu domini. Nullus eis Christianus aue dicat. Nullus presbyter Missam cum eis celebrare præsumat, vel sanctam communionem dare. Sepultura asini sepeliantur, & in sterquilinum sint superficies terræ. Et sicut hæ lucernæ de manibus nostris proiectæ hodie extinguuntur, sic eorum lucerna in æternum extinguatur: nisi fortè resipuerint. & Ecclesiæ Dei quæ leguntur per emendationem & condignam pœnitentiã satisfecerint.

Excommunicatio quarta. Cap. VII.

*Ex cõcil.
Arausic.
cap. 5.*

Canonica instituta, & sanctorum patrum exemplata sequentes, Ecclesiarum Dei violatores. N. autoritate Dei, & iudicio sancti spiritus à gremio sanctæ matris Ecclesiæ, & à consortio totius Christianitatis eliminamus, quousque resipiscant, & Ecclesiæ Dei satisfaciant.

Reconciliatio excommunicati. Cap. VIII.

Ex eodẽ.

CV Maliquis excommunicatus, vel anathematizatus pœnitentiã ductus veniam postulat, & emendationem promittit, episcopus qui eum excommunicauit, ante ianuas Ecclesiæ venire debet, & duodecim presbyteri cum eo, qui eum hinc inde circumstare debent. Vbi etiam adesse debent illi, quibus iniuria, vel damnum illatum est. Et secundum leges diuinas oportet damnum commissum emendari, aut si iam emendatum est, eorum testimonio comprobari. Deinde interroget episcopus, si pœnitentiã iuxta quod canones præcipiunt perpetratis sceleribus suscipere velit. Et si ille terræ prostratus veniam postulat, cul-

pam confitetur, pœnitentiam implorat, de futuris cautelâ spondet, tunc episcopus septem Psalmos decantet, cum istis precibus. kyrieleson. Pater noster.

Saluum fac seruum tuum,

Deus meus sperantem in te.

Mitte ei domine auxilium de sancto,

Et de Sion tuere eum.

Nihil proficiet inimicus in eo,

Et filius iniquitatis non ap. & c.

Esto ei domine turris fortitudinis,

A facie inimici.

Domine exaudi orationem meam,

Et clamor meus ad te veniat.

Dominus vobiscum,

Et cum spiritu tuo.

Oremus. Oratio.

Pœsta quæsumus domine huic famulo tuo dignum pœnitentiæ fructum, vt Ecclesiæ tuæ sanctæ à cuius integritate deuiarat peccando, admissorum veniam consequendo reddatur innoxius. Per dominum.

Item alia.

Maiestatem tuam quæsumus domine sancte pater omnipotens aternæ Deus, qui nõ mortem sed peccatorum vitam semper inquiris, respice flentem famulum tuum, attende prostratum, eius planctum in gaudium tuæ miserationis conuerte, scinde delictorum saccum, & induc eum latitiam salutarem, vt post longam peregrinationis famé de sanctis altaribus satiatur, ingressusque cubiculum regis, in ipsius aula benedicat nomen gloriæ tuæ semper, Per dominum.

Tunc episcopus apprehensa manu eius dextera in Ecclesiam cum introducat, & ei cõmunionem & societate Christianam reddat, & hanc orationem dicat.

Deus misericors, Deus clemens, qui secundum multitudinem miserationum tuarum peccata pœnitentium deles, & præteritorum criminum culpas, venia remissionis euacuas, respice super hunc famulum N. & remissionem sibi omnium peccatorum toto cordis confessione poscenté deprecatus exaudi, innoua in eo piüssime pa-

ter, quicquid diabolica fraude violatū est, in vnitate corporis Ecclesie tuæ, miserere domine gemitum eius, miserere lachrymarum eius, & non habentem fiduciam nisi in tua misericordia, ad sacramentum reconciliationis mitte. Per dominum nostrum.

Post hæc secundum modum culpæ poenitentiam ei iniungat, & literas per parochiam dirigat, vt omnes noverint eum in societate Christiana receptum. Aliis etiam episcopis hoc notum faciat. Nullus autem episcopus aliter parochianum excommunicare vel reconciliare presumat, sine conscientia vel consensu proprii episcopi.

Ne episcopi præcipientes sint aliquem excommunicare. Cap. IX.

Ex epist.

Euarist.

pape, ca.

3.

Deus omnipotens, vt nos à præcipientis prolatione sententiæ compesceret, quum omnia nuda & aperta sint oculis eius, mala tamen Sodomæ noluit audita iudicare, priusquam manifesta agnosceret, quæ dicebantur. Vnde ait: Descendam & videbo vtrum clamorem qui venit ad me opere compleuerint, an non est ita, vt sciam. Cuius exemplo monemur, ne ad proferendam sententiam vniquam præcipientes simus, aut temerè indiligerenterque indifferenter quæque quoquo modo iudicemus.

De eadem re. Caput X.

Ex synodo Melitensi, ca. 3.

Vt nemo episcoporum quemlibet sine certa & manifesta peccati causa, communionem priuet ecclesie. Sub anathema autem sine conscientia archiepiscopi aut coepiscoporum, episcopus nullum ponat, nisi vnde canonica docet autoritas: quia anathema æterna est mortis damnatio, & non nisi pro mortali debet imponi crimini, & illi qui aliter non potuerit corrigi.

De eadem re. Caput XI.

Ex concilio.

Agathen.

cap. 4.

Episcopi verò si sacerdotali moderatione posthabita innocente aut in minimis causis culpabiles excommunicare præsumperint, & ad gratiam festinantes recipere fortasse noluerint, à vicinis episcopis cuiuslibet provincie literis moneantur, & si parcere noluerint, à communionem confratrum vsque ad proximam synodum suspendantur, & ibi rationem profecto dent, ne fortasse excommunicatoris, peccatum excommunicati logo tempore morte præueniatur.